

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA ZAVIDOVIĆI

SLUŽBENI GLASNIK

OPĆINE ZAVIDOVIĆI

5/98

od 1.6.1998.godine

SLUŽBENI GLASNIK IZDAJE:

Služba Općinskog vijeća
Z a v i d o v i ć i

ODGOVORNI UREDNIK:

Hajrudin Katardžić, dipl.prav.

Na osnovu člana 12. Zakona o turističkim zajednicama i promicanju turizma u Federaciji Bosne i Hercegovine ("Službene novine Federacije Bosne i Hercegovine", broj 19/96) i člana 13. Odluke o pokretanju postupka za osnivanje Turističke zajednice općine Zavidovići broj 01-325-1/97, Osnivačka skupština Turističke zajednice općine Zavidovići, na sjednici održanoj dana 30.5.1998.godine, d o n o s i

S T A T U T

Turističke zajednice općine Zavidovići

I - OPŠTE ODREDBE

Član 1.

Statutom Turističke zajednice općine Zavidovići (u daljem tekstu: Zajednica), utvrduju se: naziv i sjedište zajednice, područje na kome će zajednica djelovati, djelatnost zajednice, svrha osnivanja zajednice, zadaci i programski ciljevi, uslovi i način ućlanjenja u zajednicu, prestanak članstva prava i dužnosti članova zajednice, tijela zajednice i njihova nadležnost, način izbora tijela zajednice, trajanje mandata članovima organa i tijela zajednice, način odlučivanja, javnost u radu, pečat zajednice, zastupanje i predstavljanje zajednice i prestanak rada zajednice.

II - NAZIV, SJEDIŠTE I DJELOVANJE ZAJEDNICE

Član 2.

Naziv zajednice je: Turistička zajednica općine Zavidovići.
Sjedište zajednice je: Zavidovići.
Zajednica djeluje na području općine Zavidovići.

III - PROGRAMSKI CILJEVI

Član 3.

Osnovni ciljevi rad. kojih se zajednica osniva su:

- unaprijedenje općih uslova poslovanja i razvoja turističko-ugostiteljske djelatnosti na području općine uz uvođenje programskih i savremenijih uslova bavljenja u ovoj sferi života,
- podizanje kvaliteta saobraćaja i prevoza putnika u lokalnom i međugradskom prevozu,
- unaprijedivanje proizvodnje u poljoprivredi i drugim djelatnostima koje dopunjuju ugostiteljsko-turističku djelatnost,
- unaprijedivanje općih uslova boravka gostiju na području općine Zavidovići.

- podizanje kvaliteta usluga u turizmu, ugostiteljstvu i drugim turizmu komplementarnim djelatnostima, a naročito prijevozu putnika, trgovini, zanatstvu, finansijama, PTT saobraćaju, kućnoj radinosti, informisanju, komunalnim djelatnostima i svim drugim oblastima koje udopunjuju sadržaje neophodne za obezbjeđenje uslova za pružanje kvalitetne usluge koja je u funkciji gošta,

- izgradnja, adaptacija i opremanje objekata i sadržaja koji utiču na povoljnije uslove razvoja turizma i ugostiteljstva,

- organizacija, predstavljanje i publikovanje sadržaja i oblika bavljanja djelatnostima koje su u funkciji turizma i ugostiteljstva,

- unaprijeđivanje vanpansionske ponude u pružanju kulturnih i sličnih usluga,

- rad na prepoznatljivom imidžu općine u oblasti turizma,

- unapređenje opće sigurnosti posjetilaca i njihove imovine,

- stručno usavršavanje i edukacija kadrova koji rade u ovoj djelatnosti,
- razvijanje svijesti kod stanovništva o značaju turizma i mogućnostima dodatne zarade uopšte i pojedinačno.

Član 4.

Rad zajednice utvrđuje se godišnjim programom rada koji donosi Skupština Turističke zajednice općine Zavidovići.

IV - ČLANSTVO, PRAVA, DUŽNOSTI I ODGOVORNOSTI ČLANOVA

Član 5.

Zajednica ima obavezne, počasne i dobrovoljne članove.

Obavezni članovi Zajednice su:

- pravna i fizička lica koja se bave djelatnošću turizma, ugostiteljstva, prevoza putnika, zanatstva, PTT saobraćaja, komunalnim djelatnostima, finansijama, kulturnim djelatnostima, obrazovanjem u dijelu školovanja kadrova u ugostiteljsko-turističkoj oblasti, Auto-moto klub.

Počasni članovi zajednice su:

- Načelnik općine Zavidovići,
- generalni direktor IP "Krivaja",
- stariješina organizacione jedinice nadležne za privredne djelatnosti.

Druge počasne članove bira Skupština Turističke zajednice na prijedlog Turističkog vijeća.

Dobrovoljni članovi Zajednice mogu biti i druga pravna i fizička lica koja pokažu interesovanje za rad Zajednice i koja dobrovoljno pristupe Zajednici.

- 606 -

Član 6.

Prava članova Zajednice su:

- da aktivno učestvuju u svim oblicima rada Zajednice,
- da biraju i da budu birani u sva tijela i organe Zajednice,
- da se koriste imovinom i sredstvima Zajednice,
- da zastupaju interese Zajednice,
- da se koriste svim odobrenim pravima koje im omogućava članstvo u Zajednici.

Član 7.

Dužnosti članova Zajednice su:

- da svoje aktivnosti uskladjuju sa programima i pravilima Zajednice,
- da se u svemu pridržavaju Zakona o turističko-ugostiteljskoj djelatnosti, zakona o turističkim zajednicama, Statutom i aktima Zajednice i da se maksimalno zalažu za razvoj turizma i ugostiteljstva na području općine Zavidovići,
- da radom, ponašanjem i aktivnostima štite interese i jačaju uticaj Zajednice u oblasti za koju je osnovana,
- da u okviru prava i nadležnosti saraduju sa drugim organima i tijelima koji mogu pomoći rad zajednice i sa drugim zajednicama iste u zemlji i inostranstvu.

Član 8.

Članstvo u Zajednici prestaje:

- prestankom bavljenja djelatnošću koja je vezana za obavezu članstvo u Zajednici,
- prestankom rada Zajednice.

V - ORGANI UPRAVLJANJA U ZAJEDNICI

Član 9.

Zajednica ima organe i tijela koja upravljaju radom zajednice i to:

1. Skupština Zajednice,
2. Turističko vijeće,
3. Nadzorni odbor,
4. Predsjednik Zajednice.

Mandat organa i tijela Zajednice traje 4 (četiri) godine.

1. Skupština Zajednice

Član 10.

Skupština Zajednice je najviše tijelo upravljanja i odlučivanja.
Skupština broji 30 članova.

Skupštinu zajednice čine predstavnici pravnih i fizičkih lica iz relevantnih članova Zajednice.

Član 11.

Skupština Zajednice naročito:

- donosi Statut Zajednice, njegove izmjene i dopune i druge odluke vezane za Statut,
- donosi Poslovnik o radu Zajednice,
- odlučuje o izboru i razrješenju članova Turističkog vijeća,
- odlučuje o izboru i razrješenju članova Nadzornog odbora,
- donosi godišnji program rada i finansijske dokumente,
- donosi odluke o osnivanju i organizaciji Turističkog ureda,
- usvaja izvještaje Turističkog vijeća i nadzornog odbora,
- donosi odluke i druga akta o pitanjima vezanim za rad i unapređenje rada Zajednice.

Član 12.

Skupština radi i odlučuje u sjednicama.

Skupština punovažno može raditi ako sjednicama prisustvuje natpolovična većina članova.

Odluke Skupštine su punovažne ako za njih glasa većina prisutnih članova Skupštine.

O radu Skupštine vode se zapisnici koji se trajno čuvaju, a za narednu sjednicu članovima se dostavljaju izvodi iz zapisnika na verifikaciju.

Ostala pitanja iz djelokruga rada Skupštine detaljnije će se regulirati Poslovnikom o radu Skupštine.

Član 13.

Skupština Zajednice ima počasne i dobrovoljne članove.

Dobrovoljne članove iz člana 5. ovog Statuta na prijedlog Turističkog vijeća potvrđuje Skupština Zajednice.

Član 14.

Počasni i dobrovoljni članovi mogu učestvovati u radu Skupštine, ali ne učestvuju u donošenju odluka niti mogu biti birani u organe iz člana 9. ovog Statuta.

Član 15.

Sjednice Skupštine Zajednice održavaju se po potrebi, a najmanje jedanput godišnje.

Sjednicu saziva njen predsjednik, a u slučaju spriječenosti ili odsutnosti sjednicu može sazvati i podpredsjednik.

Sjednica Skupštine Zajednice može se sazvati i kao vanredna sjednica.

Redovna i vanredna sjednica zakazuju se pismenim putem najkasnije pet dana od dana određenog za održavanje sjednice.

Zakazivanje vanredne sjednice može zatražiti:

- Turističko vijeće Zajednice,
- Nadzorni odbor Zajednice,
- najmanje 10 članova Zajednice i
- predsjednik Zajednice.

2. Turističko vijeće Zajednice

Član 17.

Turističko vijeće Zajednice je izvršni organ Skupštine Turističke zajednice općine Zavidovići koga čini 5 članova.

Članove Turističkog vijeća, njih četiri, delegira Skupština zajednice, a jednog delegira Općinski načelnik Zavidovići.

Članove Turističkog vijeća imenuje Skupština Zajednice.

Predsjednik Turističke zajednice je ujedno i predsjednik Turističkog vijeća.

Član 18.

Za svoj rad Turističko vijeće odgovara Skupštini Zajednice.

Turističko vijeće može pravovaljano odlučivati ako sjednici prisustvuje više od polovine članova.

Turističko vijeće donosi odluke i druge akte većinom prisutnih članova.

Član 19.

Turističko vijeće naročito:

- provodi odluke i druge akte Skupštine zajednice,
- predlaže Skupštini osnovne smjernice aktivnosti, godišnji program rada, izvještaj o finansijskom poslovanju,
- upravlja imovinom zajednice u skladu sa zakonom i ovim Statutom,
- donosi opća akta za Stručnu službu Zajednice,
- imenuje u skladu sa zakonom direktora Turističkog ureda,
- obavlja i druge poslove u skladu sa zakonom i ovim statutom.

Član 20.

Turističko vijeće radi u sjednicama koja se zakazuje prema potrebi, a najmanje kvartalno po jedanput.

3. Nadzorni odbor

Član 21.

Nadzorni odbor broji 3 (tri) člana od čega dva bira i imenuje Skupština Zajednice, a jednog Općinsko vijeće Zavidovići.

Član Turističkog vijeća nemože biti član Nadzornog odbora.

Nadzorni odbor najmanje jedanput godišnje podnosi Skupštini Zajednice izvještaj o svom radu.

Član 22.

Nadzorni odbor vrši nadzor rada, kompletnim poslovima Zajednice u okviru čega posebnu pažnju posvećuje materijalno-finansijskom poslovanju Zajednice i pravilnom i zakonitom utrošku sredstava Zajednice kroz pravilnost provođenja finansijskog plana Zajednice.

4. Predsjednik i podpredsjednik Zajednice

Član 23.

Turistička zajednica općine Zavidovići ima predsjednika koji predstavlja zajednicu; odnosno podpredsjednika koji u slučaju spriječenosti ili odsustva zamjenjuje predsjednika.

Predsjednika i podpredsjednika Turističke zajednice bira i razrješava Skupština Turističke zajednice.

Predsjednik Turističke zajednice saziva i predsjedava Skupštini Turističke zajednice i saziva i predsjedava sjednicama Turističkog vijeća.

U skladu sa Statutom i Poslovníkom o radu Skupštine, predsjednik, odnosno podpredsjednik obavljaju svoju funkciju.

5. Turistički ured

Član 24.

Za obavljanje stručnih i administrativnih poslova Zajednice, formira se Stručna služba Zajednice pod nazivom: Turistički ured Turističke zajednice općine Zavidovići.

Turističkim uredom rukovodi direktor ureda koji poslove direktora obavlja kao profesionalno lice.

Uslovi pod kojima lice može biti imenovano na mjesto direktora Turističkog ureda regulisat će se posebnom odlukom o osnivanju Ureda i pravilnikom o organizaciji i sistematizaciji radnih mjesta u Uredu.

VI - NAČIN STICANJA SREDSTAVA I RASPOLAGANJE SA SREDSTVIMA

Član 25.

Materijalnu osnovu za rad Zajednice čine:

- prihodi ostvareni u skladu sa propisima o članarinama u Turističkim zajednicama,
- prihodi od boravišnih taksi,

- prihodi od sponzorstva pravnih i fizičkih lica,
- prihodi iz Budžeta općine Zavidovići,
- zajmovi,
- drugi izvori u okviru Zakona.

VII - PREDSTAVLJANJE I ZASTUPANJE

Član 26.

Turistička zajednica općine Zavidovići je pravno lice i to svojstvo stiče danom upisa u upisnik turističkih zajednica.

Zajednicu predstavlja i zastupa predsjednik Turističke zajednice, a u njegovoj odsutnosti zamjenik ili lice koje predsjednik ili Skupština odredi.

VIII - JAVNOST RADA

Član 27.

Rad Zajednice i njenih tijela je javan.

Član 28.

Javnost rada ostvaruje se: javnim sjednicama Skupštine, pravovremenom i potpunom informisanju članstva Skupštine o svim bitnim pitanjima iz domena funkcionisanja Skupštine i njenih organa i tijela, podnošenjem redovnih izvještaja nadležnim državnim organima, davanjem saopštenja putem sredstava javnog informisanja i omogućavanjem prisustva sredstava informisanja sjednicama Skupštine i na drugi prihvatljiv, pogodan i koristan način.

IX - PEČAT ZAJEDNICE

Član 29.

Zajednica ima svoj pečat i svoj štambilj.

Član 30.

Pečat zajednice je okruglog oblika sa natpisom: Bosna i Hercegovina, Federacija Bosne i Hercegovine, Zaničko-dobojski kanton, Zeničko-dobojska veležupa, Općina Zavidovići, Turistička zajednica općine Zavidovići, sa latiničnim tekstom ispisanim u koncentričnim krugovima veličine Ø 50 i 25 mm.

Štambilj je pravougaonog oblika i pored teksta sa pečata ima prazne kućice sa riječima: broj i datum prijema.

Posebnim aktom u skladu sa Zakonom o pečatu propisat će se uslovi i način postupanja sa pečatima.

X - DONOŠENJE STATUTA

Član 31.

Statut Zajednice donosi Skupština Zajednice.

Postupak za izmjene i dopune Statuta donose se po postupku i na način donošenja statuta, a postupak izmjena i dopuna može pokrenuti Skupština, Turističko vijeće ili najmanje 10 članova Zajednice.

XI - PRESTANAK RADA ZAJEDNICE

Član 32.

Turistička zajednica prestaje sa radom:

- odlukom osnivača (Općinsko vijeće) o prestanku rada Zajednice,
- odlukom nadležnog upravnog organa, ako je nepobitno utvrđeno da zajednica djeluje suprotno propisima ili zadacima zbog kojih je osnovana,
- ako se iz neopravdanih razloga ne sazove ili ne održi sjednica Skupštine u skladu sa Statutom.

Član 33.

U slučaju prestanka rada zajednice osnivač će donijeti poseban propis kojim će se regulisati postupci i radnje do konačnog regulisanja potraživanja i dugovanja zajednice i kojim će se regulisati i druga pitanja vezana za imovinu zajednice.

XII - PRIJELAZNE I ZAVRŠNE ODREDBE

Član 34.

Tumačenje odredbi ovog Statuta daje Skupština Zajednice.

Član 35.

Ovaj Statut stupa na snagu danom donošenja, a pravna dejstva proizvodi narednog dana po registraciji kod nadležnog federalnog organa i upisa Zajednice u upisnik turističkih zajednica.

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON

OPĆINA ZAVIDOVIĆI

- Turistička zajednica općine Zavidovići -

Broj: 01-325-1

Datum, 30.5.1998.godine

PREDSJEDNIK ZAJEDNICE

Hotić Ekrem, s.r.

- 612 -

Na osnovu člana 12. Zakona o turističkim zajednicama i promicanju turizma u BiH ("Službene novine Federacije BiH", broj 19/96) i Odluke o pokretanju postupka za osnivanje Turističke zajednice općine Zavidovići, broj 01-325-1/97 od 4.8.1997.godine, Osnivačka skupština Turističke zajednice općine Zavidovići, na sjednici održanoj dana 30.05.1998.godine, donosi

O D L U K U

o usvajanju Statuta Turističke zajednice
općine Zavidovići

Član 1.

Usvaja se Statut Turističke zajednice općine Zavidovići.

Član 2.

Statut Turističke zajednice općine Zavidovići objavit će se u "Službenom glasniku općine Zavidovići."

Član 3.

Ova odluka stupa na snagu danom donošenja.

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON

OPĆINA ZAVIDOVIĆI

- Turistička zajednica općine Zavidovići -

Broj: 01-325-1-1

Datum, 30.5.1998.godine

PREDSJEDNIK ZAJEDNICE

Hotić Ekrem, s.r.

- 613 -

Na osnovu člana 12. Zakona o turističkim zajednicama i promicanju turizma u BiH ("Službene novine Federacije BiH", broj 19/96) i člana 10. Statuta Turističke zajednice općine Zavidovići, osnivača Skupštine Turističke zajednice općine Zavidovići na sjednici održanoj dana 30.5.1998.godine,
d o n o s i

O D L U K U

o izboru i imenovanju članova Skupštine Turističke zajednice općine Zavidovići

Član 1.

Imenuju se članovi Skupštine Turističke zajednice općine Zavidovići
i to:

- | | |
|------------------------|------------------------|
| 1. Bašić Fadil, | 16. Ikanović Senad, |
| 2. Bečić Rifet, | 17. Mujić Muhamed, |
| 3. Demirović Mirsad | 18. Mehanović Mustafa, |
| 4. Merdanović Hasan, | 19. Karajbić Mirsad, |
| 5. Mufti Marvan, | 20. Mujanović Ibrahim, |
| 6. Kovačić Fadil, | 21. Avdić Zejnil, |
| 7. Mujkić Avdaga, | 22. Čosić Zahida, |
| 8. Starčević Šemsudin, | 23. Čivić Abdulah, |
| 9. Mušić Dervo, | 24. Kovačević Sadik, |
| 10. Hodžić Rešad, | 25. Muhić Omer, |
| 11. Mujkić Dalija, | 26. Memagić Ismet, |
| 12. Hotić Ekrem, | 27. Kovacic Mustafa, |
| 13. Mujkić Edin, | 28. Mahovac Muhamed, |
| 14. Dedić Mujo, | 29. Omić Fuad, |
| 15. Ridžal Rizo, | 30. Salkanović Mirsad |

Član 2.

Ova odluka stupa na snagu danom donošenja i bit će objavljena u Službenom glasniku općine Zavidovići.

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA ZAVIDOVIĆI

PREDSJEDNIK
Hotić Ekrem, s.r.

- Turistička zajednica općine Zavidovići -

Broj: 01-325-1 - 2

Datum, 30.5.1998.godine

- 614 -

Na osnovu člana 12. Zakona o turističkim zajednicama i promicanju turizma u BiH ("Službene novine Federacije BiH", broj 16/96) i člana 17. Statuta Turističke zajednice općine Zavidovići, Osnivačka skupština Turističke zajednice općine Zavidovići, dana 30.5.1998.godine, donosi

O D L U K U

o imenovanju članova Turističkog vijeća
Turističke zajednice općine Zavidovići

Član 1.

Imenuju se članovi u Turističko vijeće Turističke zajednice općine Zavidovići, i to:

1. HOTIĆ EKREM,
2. KADIĆ ENES,
3. BAŠIĆ FADIL,
4. MERDANOVIĆ HASAN,
5. MUJKIĆ DALIJA.

Član 2.

Ova odluka stupa na snagu danom donošenja i bit će objavljena u "Službenom glasniku općine Zavidovići."

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON

OPĆINA ZAVIDOVIĆI

- Turistička zajednica općine Zavidovići -

Broj: 01-325-1-3

Datum, 30.5.1998.godine

PREDSJEDNIK ZAJEDNICE

Hotić Ekrem, s.r.

- 615 -

Na osnovu člana 12. Zakona o turističkim zajednicama i promicanju turizma u BiH ("Službene novine Federacije BiH", broj 16/96) i člana 23. Statuta Turističke zajednice općine Zavidovići, Osnivačka skupština Turističke zajednice općine Zavidovići, dana 30.5.1998.godine, donosi

O D L U K U

o imenovanju predsjednika i podpredsjednika
Turističke zajednice općine Zavidovići

Član 1.

Za predsjednika Turističke zajednice općine Zavidovići, imenuje
se: HOTIĆ EKREM.

Član 2.

Za podpredsjednika Turističke zajednice općine Zavidovići, imenuje
se: KADIĆ ENES.

Član 3.

Ova odluka stupa na snagu danom donošenja i bit će objavljena u
"Službenom glasniku općine Zavidovići."

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA ZAVIDOVIĆI

PREDSJEDNIK ZAJEDNICE
Hotić Ekrem, s.r.

- Turistička zajednica općine Zavidovići -

Broj: 01-325-1-4

Datum, 30.5.1998.godine

- 616 -

Na osnovu člana 12. Zakona o turističkim zajednicama i promicanju turizma u BiH ("Službene novine Federacije BiH", broj 16/96) i člana 21. Statuta Turističke zajednice općine Zavidovići, Osnivačka skupština Turističke zajednice općine Zavidovići, dana 30.5.1998.godine, donosi

O D L U K U

o imenovanju članova Nadzornog odbora
Turističke zajednice općine Zavidovići

Član 1.

U Nadzorni odbor Turističke zajednice općine Zavidovići, imenuju se:

1. DURAKOVIĆ JASNA,
2. ŠABANOVIĆ SALIH
3. Predstavnik Općinskog vijeća.

Član 2.

Ova odluka stupa na snagu danom donošenja i bit će objavljena u "Službenom glasniku" općine Zavidovići."

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA ZAVIDOVIĆI

PREDSJEDNIK ZAJEDNICE

Hotić Ekrem, s.r.

- Turistička zajednica općine Zavidovići -

Broj: 01-325-1-5

Datum, 30.5.1998.godine

Na osnovu člana 12. Zakona o turističkim zajednicama i člana 24. Statuta Turističke zajednice općine Zavidovići, Osnivačka skupština Turističke zajednice Zavidovići, na sjednici održanoj dana 30.5.1998.godine, donosi

O D L U K U

o osnivanju Turističkog ureda
Turističke zajednice općine Zavidovići

I

Za obavljanje stručnih i administrativnih poslova vezanih za zadatke Zajednice utvrđene Odlukom i Statutom zajednice, formira se Stručna služba zajednice pod nazivom Turistički ured Turističke zajednice općine Zavidovići.

II

Stručnom službom Zajednice rukovodi direktor Turističkog ureda, koji te poslove obavlja kao profesionalno lice. Direktor Turističkog ureda zastupa Turističku zajednicu, organizira i rukovodi radom i poslovanjem ureda, provodi odluke Turističkog vijeća i u granicama ovlašćenja odgovoran je za poslovanje turističke zajednice.

Direktor Turističkog ureda ne može biti član Turističkog vijeća.

III

Na poslove direktora Ureda može biti izabrano lice koje pored općih jeta ispunjava i posebne uvjete, navedene u odluci i statutu zajednice. Direktor Turističkog ureda imenuje Turističko vijeće na četiri godine, na osnovu prethodnog raspisanog konkursa.

Za svoj rad direktor Turističkog ureda odgovara Turističkom vijeću i predsjedniku Turističke zajednice.

IV

Uvjete za zapošljavanje drugih lica u Turističkom uredu i ostala pitanja u vezi stupanja na rad, propisuje Turističko vijeće, primjenjujući odgovarajuće opće propise o radu.

V

Sjedište Turističkog ureda je u sjedištu Turističke zajednice.

VI

Ova odluka stupa na snagu danom donošenja.

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA ZAVIDOVIĆI

PREDSJEDNIK ZAJEDNICE

Hotić Ekrem, s.r.

- Turistička zajednica općine Zavidovići -

Broj: 01-325-1-6

Datum, 30.5.1998.godine

Na osnovu člana 12. Zakona o turističkim zajednicama i promicanju turizma u BiH ("Službene novine Federacije BiH", broj 16/96) i člana 5. Statuta Turističke zajednice općine Zavidovići, Osnivačka skupština Turističke zajednice općine Zavidovići, dana 30.5.1998.godine, donosi

O D L U K U

o izboru počasnih članova u Skupštini
Turističke zajednice općine Zavidovići

Član 1.

Za počasne članove u Skupštini Turističke zajednice općine Zavidovići zabrani su:

1. HUSEIN ZILKIĆ - Općinski načelnik,
2. LATIF ČEHAJIĆ - generalni direktor IP "Krivaja",
3. MUHAMED ŠIBONJIĆ - sekretar OS za privredne djelatnosti,

Član 2.

Ova odluka stupa na snagu danom donošenja i bit će objavljena u "Službenom glasniku općine Zavidovići."

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON

OPĆINA ZAVIDOVIĆI

- Turistička zajednica općine Zavidovići -

Broj: 01-325-1-7

Datum, 30.5.1998.godine

PREDSJEDNIK ZAJEDNICE

Hotić Ekrem, s.r.

Na osnovu člana 34. Zakona o turističkim zajednicama i promicanju turizma u BiH ("Službene novine Federacije BiH", broj 16/96) i člana 1. Statuta Turističke zajednice općine Zavidovići, Osnivačka skupština Turističke zajednice općine Zavidovići, dana 30.5.1998.godine, donosi

O D L U K U

o imenovanju predstavnika Turističke zajednice općine Zavidovići u Skupštinu Turističke zajednice Zeničko-dobojskog kantona-županije

Član 1.

Za predstavnike Turističke zajednice općine Zavidovići u Skupštinu Turističke zajednice Zeničko-dobojskog kantona - županije, imenuju se:

1. ĆOSIĆ ZAHIDA,
2. MEMAGIĆ ISMET.

Član 2.

Ova odluka stupa na snagu danom donošenja i bit će objavljena u "Službenom glasniku općine Zavidovići."

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON

OPĆINA ZAVIDOVIĆI

- Turistička zajednica općine Zavidovići -

Broj: 01-325-1-8

Datum, 30.5.1998.godine

PREDSJEDNIK ZAJEDNICE

Hotić Ekrem, s.r.

S A D R Ž A J

	Strana
1. STATUT Turističke zajednice općine Zavidovići	604
2. ODLUKA o usvajanju Statuta Turističke zajednice općine Zavidovići	612
3. ODLUKA o izboru i imenovanju članova Skupštine Turističke zajednice općine Zavidovići	613
4. ODLUKA o imenovanju članova Turističkog vijeća Turističke zajednice općine Zavidovići	614
5. ODLUKA o imenovanju predsjednika i podpredsjednika Turističke zajednice općine Zavidovići	615
6. ODLUKA o imenovanju članova Nadzornog odbora Turističke zajednice općine Zavidovići	616
7. ODLUKA o osnivanju Turističkog ureda Turističke zajednice općine Zavidovići	617
8. ODLUKA o izboru počasnih članova u Skupštini Turističke zajednice općine Zavidovići	618
9. ODLUKA o imenovanju predstavnika Turističke zajednice općine Zavidovići u Skupštinu Turističke zajednice Zeničko-dobojskog kantona-županije	619